

書名 皇明文衡一百  
卷 正德五年  
序刊本  
撰者 明 程敏政 輯  
明 范震、李文  
會 校

卷 卷九十一  
內容分類 集 總集 各代 明

索書號 大木 集部 總集類 30  
編號 D7861500

彩色首頁1

東洋文化研究所漢籍目錄 編號: D7861500

東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

# 卷九十一



皇明文衡卷之一

代言檄

原檄



翰林院學士新安程敏政選編  
鄉進士國子監助教永康范震校正  
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中  
未聞以狄治天下也自宋祚傾移元以北狄入主中國  
不臣服此豈人力實乃天授然達人志士尚有  
美自是以後元之臣子不遵祖訓廢壞綱常有  
如大德廢長立幼泰定以臣弑君天曆以弟醜兄至於弟技

一人不殺一人同事者以爲言公曰刑賞  
人主之大柄懼闖外事不集而假之人若幸而事集文竊弄  
之豈人臣之道也論者又曰此古名臣之心名臣之言可以  
爲後世法若今敏政輩進進未已能昌大其業安知天之報  
公不在此邪晚號晴洲釣者有晴洲集若干藏于家銘曰  
於惟襄毅晉臣之系宋儒之裔豪傑其才剛大其氣於昭襄  
毅科第高登祿位馴致兵刑吏司留後是寄果哉襄毅衆方  
焚焚我獨易易不數言間能決大議偉哉襄毅車轍所至吾  
民獲利威震蠻夷名揚當世無憂襄毅之事武備有人承繼  
誕昌前烈引而弗替無憾襄毅善始令終  
聖恩特異歸于南山垂休千祀

皇明文衡卷之九十一

墓表

元故孝友祝公榮甫墓表

宋濂

濂嘗奉 詔總修元史凡天下有關史事者下郡國長吏博  
加采輯悉上送官往往吏非知書者以致龐雜淆亂不足以  
取徵孝友之人動至數千皆溢淨辭而乖實行濂令史官高  
啓撰次成編而親爲筆削之唯存一百六人皆灼然可以勵  
世博俗者而處之祝公榮亦其一焉竊與處雖連壤不知公  
榮之詳後七年公榮之子崑持所狀群行求文表諸墓道蓋  
公榮之歿已十八年矣狀之稱述皆傳中所略者遂次第而  
序之公榮諱大昌公榮字也居處之麗水官橋里姓祝氏祝  
出軒轅氏之後至周武王時封彭祖遠孫光爲福侯子孫爲

齊所并故以祝爲姓歷代多有顯人且載家牒可徵也五季  
初有諱寔字茂之者自言安來爲處州判官遂遷焉壽九十  
二以歿葬宣慈杉坑之原寔生中奉大夫績績生朝議大夫  
儒儒生承議承議生允懷允懷生况况生宋紹聖進士建州  
司理參軍奕奕生公冕公冕生份份生武學教諭天祐天祐  
生潭州司戶參軍詢詢生之琦之琦生紹紹則公榮之父也  
公榮孝友出於天性其在父母側容色穆穆以和父母意有  
所欲先候知之不待出言而事已集一日不見心惶惶焉若  
亡重寶得一甘味雖在百里外必歸薦之然後敢食母病晝  
夜鍊藥奉滌糜以進衣久不脫蟣蟲齧生其間已而疾勢革  
走謂於群神且泣且禱語不成聲見者爲之揮涕及母歿擗  
踊無筭屢至須臾絕其於復襲楔綴斂殯奠神之禮悉遵古制

而不墜流俗之陋場人不戒火心竈突間煙燄漲天公榮於  
急遽中力不能救乃伏棺而非况且曰天乎吾母在斯幸天  
有以祐之天苟不祐我將與毋俱焚誓不獨存也其火忽自  
滅州里嘆異曰昔蔡順伏母棺而火滅不意今日於公榮見  
之公榮旣葬母朝夕翹首如有望而弗至旣而曰是終無以  
解吾憂也乃命工搏土肖二親像於堂朝夕事之如事生焉  
公榮敬兄公亮如其父家政大小必關白而後行公亮出仕  
公榮不敢中席而坐恒若公亮之臨乎上其弟公直亡公榮  
奔視遂頓仆于地良久乃蘇抱弟屍而大呼曰吾弟去吾而  
何之乎悲悼過甚髮爲之早白撫弟遺孤逾於己所生公榮  
率孳以同爨爲政請于公亮建家範數十則令子姓分任諸  
事視其勤惰而懲勸之每旦序食堂上氣象雍肅若不聞人

聲三世之間愉愉如也或者歆問之說其分財公榮勃然變色曰此言何爲至於我哉必吾不睦于家不敦友恭之道故爾昔張公藝尚九世義居况親昆弟乎苟計利而害義大舜當不食吾餘因撫膺長慟言者赧然而退故處之人士言孝友者一則曰公榮二則曰公榮至今無間言云公榮風岸偉特善談史上下二千年治忽幾微如指諸掌聽者忘倦尊賢重傅未嘗有毫毛褻慢意平心率物好惡無所偏徇而尤好施與故舊貧窶者周之死而不能棺者給之或丁歲儉下粟估糶之青田盜阻行舟民不能鹽食公榮出所儲鹽惠宗族親婣以及於閭井人皆德之當元之季四不用兵藩閫大臣多鈎致豪傑而布衣之士有談笑取將帥者公榮之賢辟書交至公榮笑而辭之荆行中書左丞相以承制行事署爲

處州路儒學教授亦辭乃築室南野而隱居焉不幸以至正二十年庚子正月一日卒壽五十又八二十一年辛丑某月日葬於武川飛鳳山下禮也公榮凡三娶先配同縣王氏次東甌王氏次閩中陳氏皆簪纓大族子男子三人曰山曰崑曰函皆好學尚義崑即來速銘者子女子三人常涓王達其婿也一未行嗚呼孝者百行之根抵萬事之綱紀也執一術而百善至百邪去唯斯道則然所以化民成俗者汲汲焉是務而莫敢忽也近代之制文臣自少卿監以上武臣自正刺史以上實錄方爲立傳而能行孝友之政者雖在韋布中亦必登名與之齊行其治化之權衡於是亦可觀矣有若公榮之行之美豈可使其泯泯無傳哉嗚呼古之人有云位登台輔也爵列公侯也祿積萬鍾也馬踰千乘也歿之日曾不得

與斯人之徒隸茲此無他以風教所關為甚重也濂雖不敏其於公榮之事表而列之用以為世道之勸孰曰非宜銘曰孝友之根實出降衷金石堪貫神明可通古之君子資之出治因其秉彝孺民孔易雖在布衣彬筆登名其意斯何樹之風聲聞闐祝君受親靡舍朝斯夕斯肯離膝下親既云亡塗殯在庭臨風泣血哀不自勝場人勿戒火起曲突有煙勃如上不見日伏棺悲號誓與俱焚誰謂天高邈若不聞若勢方升熾不可遏不待反風雷熾隨滅家政之修法古名門毫髮敢私唯義之敦嚴布科條各授以事一門雖離罔有乖戾辟書交飛君笑而嘻我有我政奚暇外馳古有為一照耀方策以今較之孰為優劣埃風渺瀰德化飄鋤况曰事不忘厥初飛鳳之山林木葱蘢勒文墓門用為世勸

故愚菴先生方公墓版文

嗚呼自我齊國文公紹伊洛之正緒號為世適益行而彰傳道授業者幾徧大江之南而天台為極盛時則有潘子善氏林叔恭氏趙幾道氏兄弟以及杜仲良氏如此者不能徧舉皆見而知之推原體用之學敷化弘治而風動於四方重微疊照於斯為至流風遺俗迄今猶有未泯若我愚菴先生方公其殆聞而知之者歟先生諱克勤字去矜姓方氏其裔出睦州玄英處士于宋初十五世祖廿四府君某始遷寧海侯城里曾大父重桂鄉貢進士大父子野父炯元鄞縣儒學教諭母葉氏宋丞相夢鼎從曾孫女也先生幼而端疑五歲知讀書自辨章句十歲暗記五經諸先生嘖嘖愛賞目為神童年垂弱冠徧窮濂洛關閩遺書及羣鄉先達授受源委凡步

性命道德之秘竅研探索寢食為之幾廢因喟然嘆曰為學必合天人而後可舍是非學也至正甲辰嘗一踐場屋言國家利害峭直無所顧忌有司不敢取飄然東歸益閉戶潛心于一卦一爻必欲驗諸事為至於天文地理禮樂刑政及制度名物之屬亦辨析歸於至當如指諸掌會海民為變江浙行中書檄吳江同知金剛奴募民為水兵先生詣金剛奴謂曰民計窮而為盜未為盜者亦挺挺而欲動奈何授之以兵是謂增盜非禦盜也金剛奴怒不答統而水兵果於中道殺護吏逃去從盜金剛奴踰垣走折一足始悔曰吾不從方先生言以至於此未幾侍御史左荅納失里至郡招諭劉都事基為之副先生上書陳勦殄之畧不宜姑息都事遂其言而不能用途致郡縣陷沒民罹塗炭先生發憤入山谷採松栢

食之累日不返當路延先生入幕府先生謝曰我辟穀久矣弗足與人間事也吳元年冬

大明兵取台州先生欣逢

真主之出乃大有為之時上疏舉賢才安人心黜豪強除暴斂明教育十餘事將上之未果洪武二年詔立郡縣學以訓導辟先生樂於育才即起應命負笈來從者至百餘人先生據絰陳義曲暢旁通幾無毫髮遺憾聞者皆淪肌浹髓薰為善良俄以母夫久春秋高力辭而歸諸生追之者踵相接學舍為空四年夏朝廷聞先生賢欲致之部使者袁君宏以書幣來徵先生以母老不忍離左右避去旁縣郡承使者風旨雜逮媼連督索之先生上京師兩詣執政固辭執政奇先生才命就銓曹試考覈入格列第二

上特命知濟寧府事階朝列大夫錫之冠帶以行先生至官  
爲書一通懸於康衢諭

上愛養元元之意民有所不平詣府自言禁吏胥不得呵問  
日引耆耄坐語訊以得失郡學官缺孔子廟堂頽圯聘前進  
士爲師弟子員有未備者選補之役浮屠以葺廟堂廟南鑿  
爲泮池傍列兩序闢射圃於廟北造弓矢樹正鵠日一再視  
學親爲正句讀較中否屬縣之內社各立學學凡數百區學  
子繫籍者二千人其後號爲最盛始有 詔民闢廢田者閱  
三載乃稅吏徼近功不俟期歛之復以田定其科繇民益惰  
田不增闢先生與民約定爲簡書列其丁產爲上中下三等  
等復析爲三每有徵發恒視書爲則吏不敢竝緣爲姦歲且  
暮轉戎衣于燕時有令役民舟者有誅別郡以牛車從事天

雨雪牛僵死于道破產十八九民請以舟就役僚佐畏令難  
之先生曰吾知從民便抵法非所辭也即載以舟具白山東  
行中書省省義不問郡倉絕糧省檄民七百里轉粟青州民  
以道遠爲病適漕運者自淮安輸濟南道出郡境先生欲就  
輸郡倉而俾濟南致青州告于行省弗聽即以聞戶部戶部  
奏可行省臣愧之郡城壞故事築以兵指揮使挾貴人勢當  
五六月聚民萬餘治之民不得田哀號而即工聲聞數里先  
生奮曰民病不救惡用二千石爲密聞中書同官疑且得罪  
不敢署名先生獨署之以聞即日 詔罷先是不雨先生袒  
跣徧禱群祠涕泣臥祠下誓不雨不還至是 詔下民驩呼  
而散大雨如注是歲五穀俱孰民歌曰孰罷我役使君之力  
孰成我忝使君之雨使君勿去我民父母自是連三歲三禱

皆有年五年秋隣境盡蝗先生省愆變食稽首顛天迨夜聞  
空中蕩蕩燭之乃飛蝗蔽天而過郡獨有年民有赴愬者隨  
事財決大者答辱小者諭遣之不留案牘尤慎於庶獄月錄  
日省不使久淹或文有未具時作糜編食之夏秋之稅每命  
斛卒持槩高下出其手或至累旬不收民競指倉為窞先生  
令民自繫斛卒斂手不敢出氣遇將西成即移文與民期民  
爭來輸不遺一吏而稅常先登江西浙西二行省運糧百萬  
濟寧水陸數千里先生視如部民不使有錙銖怨懟舊比每  
斛益四升以裨蠹耗先生憫其道遽言于

朝蠲之府召州縣官屬皆以卓隸往索賂無厭先生下信  
符置郵無敢不至者信符之籍以印識而中分之吏托日月  
稽違以媒利先生私藏之緩急有程一自己出復律其法於

封內一以信符召民民竟得并力耕桑襁負來歸者千  
道初赴官時戶僅三萬稅萬餘石三年之後稅以石計者十  
四萬四千七百戶亦增至六萬有奇二州二十縣家有積粟  
野無餓莩羊牛鷄犬散被郊坰富庶充實如承平之世至於  
社稷山川諸祀先生修崇壇壝嚴飭器服或櫛名木於周垣  
之外一如儀制無有所闕水驛在西門內庫陋汚濕居者弗  
寧先生料棟材木候農之隙更作於城南庭堂堂房弘敞逾  
昔冬寒河凍驛舟不行令舟人伐木為炭穿土穴藏冰因其  
餘力以成事功泗水經郡城南通淮江北引河濟地勢高瀉  
搆石為牖而時畜洩之魯橋棗林二牖歷歲久壞石填河中  
舟道難之役牖于絙壞石治灰而甃之故以葦困庾糧火屢  
為災教民為陶瓦營屋百餘間申戒火令編民居為曹伍通



相救恤其患遂止大將軍魏國徐公達副將軍曹國李公文  
忠統士馬十萬之燕駐郡稍久要官勢吏爭索糧芻相膠轄  
于前先生依序酬決無不如意一軍稱能永嘉侯朱公亮祖  
將舟師數百艘北征水涸舟膠不可動脅先生曰即取五十  
夫決河否則以軍法論日值暮先生不忍煩民泣禱於天夜  
二鼓天雨黎明水起數尺舟竟去莫有言者先生為政以風  
化為急務以德勝佐貳始雖倨慢先生委誠待之卒自愧服  
武夫悍將不知禮久亦化戢在官縱無事終日冠衣坐堂上  
召諸吏授以書詩法律或公牘堆几群辨方諱苑生片言折  
之各心悅而去性不喜近名常自誦曰近名必二威三威必  
至害人吾不忍為也府庭之間不陳桎械革鞞懸楹示不  
妄罰省憲考績為六府最八年亦入朝

皇上以為善治民錫燕儀曹使踐其舊職湖得獎諭有加且  
曰政成當顯用卿秋八月知曹縣事程貢嘗以不職被笞心  
銜之上封事言狀詔御史楊其廉按楊適程故人恐程坐  
誣罪易民服潛索先生過事踰兩月無所得乃捕府中率吏  
盡繫之榜掠無完膚無一可問者楊更與其吏謀誣先生用  
倉中炭葦時十月固未嘗附火而葦則蓋公宇垣實無私用  
者先生不與辨遂就逮民號呼填道隨行百餘里者將數千  
先生次子孝其上書政府大臣願以身為軍贖父罪不報竟  
謫役江浦會空印事起吏又誣及之孝某復草疏將伏闕下  
訴而先生沒於京師九年冬十月二十四日也壽僅五十八  
子孝其與兄孝聞奉柩東歸十年春二月二十四日窆於縣  
東北深灣章施山之原禮也先生娶林氏諱姬婦道為一族

冠先十五年卒至是合葬生子二人即孝聞孝其孝聞年十  
三居母之喪不肉食至服除人以純孝稱之女一人再娶王  
氏諱在生女一人未彌月而王卒少房董氏病之董氏生子  
一人曰孝友二女皆室未行先生面白如玉鬚眉秀整不安  
笑語動容周旋必合禮法兵亂負母逃入深谷兩踵流血遇  
二弟訓育備至終身未嘗失色與人交率直任質不事表襮  
不以久近為冷熱立談之頃洞見肝膈南寇過郡者必以米  
醪饋之不能步者僦舟車送之萊蕪丞陳川款迎母就養而  
厄於無貲出錢五千助之同列以事奪祿買布帛給其用旦  
日延之對食久而不衰脫逢其飲醉投案太滯而去待之益  
恭及酒解來謝陽若不知者曰昔之夜吾亦醉矣不識君何  
謝也生平奉養簡素不服紈綺御一布袍數十載不易日不

再肉不治官事輒却肉不食所守廉甚絲毛不取諸人每行  
縣以物自隨杯湯不肯受兗州守因重進二木瓜管童十召  
州吏還之鄉人有為饒陽令者以燭鴈侑書力却去乃已初  
至官時祿米一斛可見金三兩以軍食告乏月取十斗為食  
餘悉儲于倉或尤其迂不恤也晚年益加畏慎晝所為之事  
夜則白之於天府仰皆無愧怍榮辱利害恒視之若一坦然  
不疑古所謂體道成德之人先生誠庶幾焉其為文章質而  
不華平而中理有汗漫集若干卷傳學者云濂私自念齊國  
文公之薨始一百七十又九年而其學寔微譁世取寵者徒  
剽掠為談辨誇多闢靡者務組織為篇章文公所以扶世教  
淑人心者率棄為空言故其臨事之際仰攬俯拾唯恐利不  
入橐至有庸夫賤豎之不屑為者嗚呼可嘆也臣有如先生

聞風而興乃能誠求實踐察前倚衡儼若上帝臨臨涵養既  
純發舒自異仁民善俗之政至今人人能道之大命雖止於  
斯而其率性會道無愧於文公者尚歟然弗誣也孝其從瀛  
授經頗知先生行事之詳於是歷叙其故而繫之以銘銘曰  
堂堂齊公命世之雄伊洛正傳實為大宗入天出人完傳翼  
經有過必疏無幽不明疇不鼓篋千里來過燦如聚星惟  
獨多流光所及寧有翳昏揭彼日月輝于天門逝者云云滅  
景銷聲不有人豪聞風孰與倚歟先生行知尊聞養氣弗餒  
充塞乾坤實字名隨上徹九天鶴書翩翩降于丘園爰自布  
韋專城以居象笏朱衣於赫其儀 寵恩之加莫廣無垠曷  
以報之誓不顧身敷宣

平更繇俾遂其生黠胥舞文其貪若狼乃障乃防而危其危  
人相告言久嬰亂離父母孔通我胡弗歸十百為群其來如  
雲操厥耰鋤以播以耘我行其原萬桑沃然俯瞰于隍黍苗  
芊眠隣多孽蝗刺天而飛避不入境絕類有知真知之效小  
試則毅誰曰漢吏專美其循太蘇薰蒸郁紛輪囷自此而升  
何澤弗臻太命止斯傷如之何視天方高淚如懸河我又奚  
嗟數奇則然中心無慊生順死安善人歿卒期道之衰顧瞻  
無依胡寧不哀崔崔者岡渺渺者陂其中有墳千載之悲

胡義士墓表

胡翰

永康之魁山有義士焉曰胡君元祚其先建寧人也宋宣和  
中其遠祖志寧來為邑遂長子孫至今居之邑地西直婺東  
抵處處阻險而俗獷山谷之間竊發弄兵積為民患及元之

季郡邑兵起環處之境皆盜區也成將石抹升之督兵討之  
勢猶不戢至正乙未縉雲翁溪之寇殷氏杜氏啖群克以利  
大入剽掠橫殺不辜元祚慨然曰吾土皆王民吾雖力不能  
爲國除賊獨忍鄉井罹其毒束手視之邪走白邑令爲防禦  
計散家財集少壯之丁立保伍之法大書其幟爲義兵寇偵  
之不敢輒犯詐遣其徒來降尋乃旁出抄虜擣邑郭焚廬舍  
會官兵至元祚率衆助討之寇退兵駐邑中頗恣睢元祚扣  
軍門白主帥出旗樹于鄉約曰敢擾吾民者殺無赦士卒如  
約而元祚具酒肉禮其至者如初鄉民按堵令嘉其能檄所  
部團結悉如其法上其名于憲府憲府嘉之署曰義士胡某  
俾與方允中合而拒賊賊畏之至者不敢越鯉溪而西時太  
平呂原明軍方巖致書元祚曰東南當賊要衝君以身障之

能杜其不至乎昌若去難就易於計萬全也元祚曰吾衆  
義合將以排難存鄉里耳委而去之豈吾志耶益厲衆固守  
聞賊至山砦之民受圍者輒出兵援之歲丁酉正月賊寇武  
平合德元祚大破之逐北數十里二月丙午戰于前倉又破  
之賊數戰不利明日迺盡勒其衆間道出方巖與呂原明戰  
巖下呂不利其屬孫伯純歿于陣又明日賊復至與元祚遇  
于占田元祚盡銳以戰願謂允中曰賊衆我寡唯死鬪耳不  
可退而覆也自辰至午戰不利方允中呂伯川歿于陣元祚  
自分不獨生戰益力厲聲罵賊不旋踵死之至正十七年二  
月二十二日也邑令野速達聞其死輒泣曰吾爲天子命吏  
不能羸股肱効尺寸功而元祚起畎畝不費官一粟不取民  
一錢合鄉兵而贖之屢與賊搏雖斃於蜂蟻之衆不少挫其

氣吾屬愧之矣其可使君之志不白於當世乎具疏其事以聞報未下明年王師克婺城永康內附又十有一年

朝廷修元史凡忠臣義士於法得立傳余欲取其事載之無以究極其詳又八年余至永康見其子裕問君所以致死裕

哀形于色為余言其先人之沒裕不能援而與之俱嘗圖其不朽有韓先生循仁之狀宋先生濂之銘在余讀而悲其不

幸然未嘗不壯其為人當寇發難時巨族寒畯男女扶携走道上以脫一旦之命不願宗祏棄骨肉者里相比也將吏盡

地自守玩愒以養寇畏縮以為持重不能展手足者郡相望也計其人怖死不服惡肯抗必死之寇以不貴之軀而君亦

何樂而為之無乃輕用其身哉天下大義蓋有重於身者人不察也叛逆之寇義所不容也吾討之義不容已也不幸而

死固其所也君既死而懷利計私者苟免宜若得志之果能保其祿位乎享其貴富乎就命有之泯焉無聞者矣

矣若君之所樹立聞其風者莫不惜而慕之大義之在人如此百世之下有生氣矣君得年四十有八娶章氏繼趙氏

子四人趙出也長即裕次禔次禔余既多君之義又愛其子之能孝故撫其大節俾揭而表諸墓亦史氏之遺意云

漳州路達魯花赤合魯溫侯墓表 王禕

元有盡節之臣曰漳州路達魯花赤諱迭理彌實字子初合魯溫氏西域人也洪武元年王師征閩閩八州不兩月而

平當是時合魯溫侯實監漳郡於是守將既以所部軍先遁郡事又屬他官總制政不自已出欲圖守禦之策計未決而總制者已納降俄報新朝使者至禮當郊迎侯從容語左右

曰吾將圖之乃朝服北面再拜曰臣四十始仕不數年致位  
二千石國恩厚矣今力不能禦敵義不忍降報國恩者唯有  
死耳遂斫其印篆書其笏曰大元臣子置案上即引佩刀刺  
喉中絕咽以死手執刀按膝坐毅然如生時郡民聚哭庭下  
聲震地共斂葬城東門年蓋四十有六矣俠蚤歲備宿衛用  
年勞當入仕以母老不忍去膝下不願仕母歿服除東宮素  
知其才力勉之乃仕授承直郎行宣政院崇教至正辛丑陞  
奉訓大夫杭州路治中尋改福州壬寅以事至京除福建行  
省理問官階轉奉議與福建行省平章燕只普化同赴任會  
盜據閩城不得入侯贊平章集諸縣民爲兵急圍城盜勢旣  
蹙乃闕城東圍使出奔因勒兵殲之以功陞朝列大夫居三  
年除漳州路達魯花赤階亞中大夫時陳有定據閩民苦  
其股剝侯曰吾受千里生人之寄寧忍坐視弗加卹乎願  
廢事之利病興除之敏於吏事而務存忠厚民受其惠甚多  
故其死也漳人無不痛思之其爲人可稱道者如此侯祖曰  
滿速兒大都路治中父曰默里馬合麻安慶路治中夫人回  
回氏子男二人長六十宿衛爲速古兒赤次普顏帖木爾江  
西行省通事嗚呼世之論者蓋曰非死之難而處死之爲難  
侯職在守土義不事二姓而守其土以死可謂死得其所矣  
豈非盡節之臣歟余至漳州得侯死事爲悉因嘆八州之吏  
大小奚翅數千百而大節烈然如侯者殆不可一二數故爲  
書而表之而并及其官伐世次使刻諸石豈特以慰漳人之  
思庶用爲人臣之勸云

時齋先生俞公墓表

元既有江南以豪侈粗戾變禮文之俗未數十年薰漬狃狎  
胥化成風而宋之道俗銷滅盡矣為士者辨髮短衣效其語  
言容飭以自附干上冀速獲仕進否則訕笑以為鄙怯非確  
然自信者鮮不為之變是時金華俞先生獨率其家以禮深  
衣高冠談說古道客造門肅威儀俯首拱而趨以迓至門左  
右立三揖至階揖如初乃升及位又揖者三每揖皆有辭相  
稱慰慶贊周旋俯仰辭氣甚恭鄉人小子去家久不知宋俗  
皆然或竊指先生為異或尤以為迂緩先生不顧也年七十  
有二卒于元至治四年五月十七日先生既亡而宋之遺俗  
無有知者矣先生諱金字未器別號時齋其先杭人吳越錢  
氏時有任其國為戶部尚書無營田使者曰公為嘗遺發義  
為愛其也遂遷邑之鳳林鄉戶部生德詮德詮生諱又徙金

善之孝順鎮諫生海海生善轉善智各有子四人皆為儒惟  
善子言昌宋大觀三年上舍釋褐進士知永豐蕭中三縣而  
善轉子奉復家溪南之琴山奉生某縣主簿允中允中生性  
性生恣益恣益生壽壽生義先生父也母金氏先生少好學  
善自程督鉤發窺索水涸木滋月長歲化壯而有一試不  
合有司即退脩于家於經史尤潛心揅訂較辯疑昧多所附  
益學者師尊之受業者繼于門先生年愈加志愈篤為學晚而彌  
成人望其致于用而宋亡矣故先生之名不大顯于世惟發  
之文章以自見久而亦散佚不傳世由是無從知先生知而  
言之者鄉人而已然先生所存鄉人未必知之知其詳者惟  
子暨孫至曾孫則已踈矣使更越數世復有知者乎篤於自  
信者固不卹平人之知否然德如先生而弗傳則天下之為

善者寡矣禕是以論列之以見不苟合乎一時者乃所以合乎後世也先生娶王氏生四子曰祿祺祐祉乃棄諸子而卒諸子以卒之歲十二月甲子葬于就日鄉義和里之楊家園今去先生卒時四十有六年而先生之孫有欽有奇有識有觀有慶有用有元多為老成人會孫五人亦已長云

皇明文衡卷之九十一

皇明文衡卷之九十二

墓表

貞義處士鄭府君墓表

樓璉

金華之浦江有孝義門曰鄭氏鄭氏有好學篤義之君子曰處士諱洧字仲宗其言慤而信其行和而謹少受業于太史潛溪公劬躬勤志痛自繩斷籠鷄臥榻之側聞鷄初號輒危坐誦讀至夜二鼓不休由是盡通貫聖賢經訓尤精於朱氏論議根據仁義下筆為文有奇俊語一時老儒多嘆譽之其家合族以食男女數百人處士事尊長待昆弟御卑幼壹以誠篤恭順為本上下莫不宜之洪武十九年詔天下度田繪疆畛為齒命太學生蒞其役太學生有以賄敗者蔓連大家多坐死處士兄瀛時主家政各連于牒當就逮京師處